



17350

pat komp

I

Mag. St. Dr.

P

Donum Iustinus sacerdos b. p. Carminis Illustriss.  
in Rmo D. Josepho Plechowski dicatum.

PANEG. et VITAE

Polon. 4<sup>e</sup>


№. 628



Biblioteka Jagiellońska



stdr0001038





C A R M E N  
ILUSTRISSIMO REVERENDISSIMO DOMINO  
J O S E P H O  
OLECHOWSKI,

DEI ET APOSTOLICÆ SEDIS GRATIA, EPISCOPO URANOPOLITANO,  
SUFFRAGANEO CRACOVIENSI RECENS CONSECRATO, ARCHIDIA-  
CONO CATHEDRALI, JUDICI GENERALI CURIÆ  
D I C A T U M.

A DEDITISSIMA, ET INSIGNIBUS EJUS BENEFICIIS IPSI DEVINCTISSIMA  
DOMO EMERITORUM SACERDOTUM NUPER SOC. JESU.  
IN PERENNE GRATI ANIMI PRO EJUSDEM PATERNA BENEVOLENTIA  
MONIMENTUM.

ANNO ÆRÆ VULGARIS MDCCLXXXVI.  
MENSE AUGUSTO.



C R A C O V I Æ

---

Typis Scholæ Principis Regni Universitatis Cracoviensis.



C. A. R. M. N.

RECEIVED

1025

RECEIVED

RECEIVED

RECEIVED

RECEIVED

D. C. A. T. U. M.

RECEIVED

RECEIVED

RECEIVED

RECEIVED

RECEIVED

RECEIVED

RECEIVED

RECEIVED

RECEIVED





Principe in Aede sacra, sancti Flos blande Senatûs;  
L Quo nitet urbs celebris Carodunum, ubi Regia quondam.  
Gloria Varelli: decus immortale Tuorum:  
Et noster communis Amor; fravissime Præful:  
TE JOSEPHUS canam, quamvis virtutibus impar,  
Promeritisque tuis minimè par, rite canendis  
Sit mea Musa rudis: quantumlibet arida vena  
Deficiat, viresque ægrè subsistere possint;  
TE cantabo tamen. TE qui celebrare recusat;  
Virtuti justos deferre recusat honores.  
Carmina, si meritis haud consentanea fundam;  
Conatum, & studium non aspernabere nostrum,  
Seraque posteritas ad se transmissa probabit  
Nomen, & acta Viri, quaquâ depicta Minervâ  
TE porro celebrabo metro, linguaue Latina;  
Latius ut pateat gestorum fama Tuorum:  
Nec se se Patriis tantummodo finibus arctet.  
Dotibus eximiis nostro jam notior orbi es,  
Et meritis, factisque tuis, quàm ut TE celebrando,  
Illustrem quisquam reddat magis: amplius acta.



*Te tua commendant, quàm Patria carmina possint.*

*Nec tua, Majorum in gestis, præconia quæram:*

*Hauferit hæc Scriptorum incuria, jure dolenda:*

*Eximiisque Viris non æqua sat hauferit ætas.*

*Nit opus ad veterum monumenta recurrere; tanta*

*Cum laudum seges objiciat se sponte Tuarum.*

*Tu tua non numeras, quæ Tu non gesseris Ipse:*

*Sed nec ego deferre Patrum præconia, Natis*

*Censuerim; nisi commendent hos propria facta.*

*Languidius fulgent aliena luce planetæ,*

*Quam nisi perpetuo princeps affuderit astrum,*

*Nativis tenebris simul involvantur, oportet.*

*Hoc decus est Solis, proprio quod lumine fulgens*

*Illustrat terram, majoresque atque minores*

*Apsidua pergat perfundere luce planetas.*

*Hæc tua maxima laus, propria quod luce coruscans,*

*Te fulgore tuo infinues: Majoribus unus,*

*Quàm TIBI Majores, majus jubar ipse profundens.*

*Quæ Natura Parens, multis partita seorsum est,*

*Hæc largâ, congesta, manu Te fudit in unum.*

*Indole cumprimis dotavit ad omnia prompta.*

*Ingenio summo instruxit: mentem indidit altam:*

*Consilii magni plenam, plenamque vigoris,*

*At-*



Atque ad summa animum peragenda negotia firmum.  
Talem, verò Animam divino munere nactus,  
Quot disciplinis, quibus artibus usque polisti?  
Auxiliis immensis nec porro absolvere cessas.  
Mirum est; TE plures linguas, artesque politas,  
Non alio ferme, quàm TE didicisse Magistro:  
Sic didicisse tamen; magnos æquare Magistros;  
Ut meritò valeas, quinimo relinquere post TE:  
Sed mirabilius, tanta integritate polisse  
His animum; ut pulchro sociâris fœdere bina hæc;  
Quæ rari omnino scitè componere norunt:  
Doctrinæ studium solidæ probitatis amori.  
Hæc nomen peperere TIBI, peperere favorem:  
Devinxere animos cunctorum: his gratiam inisti  
Principum, & hos meritis, quibus es decoratus, Honores.  
Virtutem, ingeniumque sagax: Dotes tot & artes  
Viderat hæc; altæ quæ Mentis acumine cuncta  
Lustrat, & humanas res æquo pondere librat  
Sancta Themis, meritisque pares decernit honores:  
Viderat, & secum reputans ita Diva locuta est:  
Ergone tot dotes, decora, ornamenta jacere  
JOSEPHI patiar sine munere, gloria, honore?  
Vir summus pretio: magno Respublica fructu

Frau-



Fraudetur ; Themidem neque tanta injuria tangat ?  
Hincque impune meum nomen laceretur, honosque ?  
Non ita : sed TE justus honor JOSEPHUS manebit.  
Nec TU per Themidem sacra o Respublica, fructu,  
Officiis, pretioque Viri fraudabere tanti.  
Contentus sed enim solida virtute, DEOque ;  
Splendida JOSEPHUS non munia percipit ulla ?  
Dignior his igitur, tantoque his aptior Ille ;  
Quo magis à fastu, mage ab ambitione remotus.  
Nec quidnam velit Ipse, ast quid mereatur, oportet  
Dispiciam, & quidnam potius Respublica poscat:  
Officiique mei ratio quid denique spectet.  
At plerosque viros honor obscuravit adeptus:  
Cunctorum qui judicio sunt munere visi  
Digni; si nullo dignati aliquando fuissent.  
Scilicet hos ; fragilis quos & non mascula virtus  
Extulit, & species dotum jactabat inanis:  
Denique quos fallax vulgus, non ipsa probavi.  
Stat tanto deferre Viro celsum gradum honoris :  
Judice me virtus istuc matura requirit ;  
Et sacra atque profana istuc Respublica poscit.  
Id sanctum Themidis Numen, nomenque reposcunt.  
Finiit, atque suam comitem in commune vocavit  
Consilium, Divam; FIDES quæ nomine claret: Hu-



Huic aperit quæ sensa suo cum corde, volutet:  
Hisque fere verbis caram est affata sororem.

Cara Soror! pariterque ut ego, mortalibus æqua!  
(Iustitia siquidem, atque Fide nil sanctius illis.)  
Vir summus, latet in tenebris, ad maxima natus  
Munera, divinis cumulatus dotibus unus:

Munere nullo auctus, merito fraudatus honore.

Hunc si negligimus, magnum Respublica Sacra  
Captura est damnum; nec parva calumnia nostro  
Nomini inuretur; tantæ si justa negemus  
Præmia virtuti, meritosque negamus honores.

Fixum animo est, ex his, se se quibus occulit umbris,  
Insignem probitate virum, insignemque Minervæ  
Artibus eximiis, in lucem educere Alumnum,  
Ipsiusque pares meritis decernere honores.

Omnia versari, quo polleo acumine mentis,  
Hacque mea, mecum quam gesto, bilance librari.  
Composui adversis rebus, rebusque secundis;  
Ornamenta viri, decora, & probitatis amorem.

Virtutem reperi fixam radicibus altis,  
Duratumque animum, casus in utroque paratum:  
Seu Fortuna ferox telis atrocibus instet:  
Seu blandimentis trahat insidiosa voluptas.

Non



Non deflexurum tamen à virtute vel unguem.  
Huicce viro tali pro virtute, indole tali:  
Munus in illustri decrevi nobile, cætu.  
Tu modo sancta Fides! hoc: quantum est cunque laboris,  
Jungere ne renuas nobis, & cæpta secundes.  
Sic Themis. Alma Fides dictis hæc pauca reponit.  
In me nulla mora est: tua vota & cæpta jurabo,  
Consiliisque tuis operam navabo libenter.  
Unum Justitiæ, Fideique cor, unaque mens est.  
Auspiciis nostris tribuuntur munia dignis:  
Nostris auspiciis obeuntur rite. Fide atque  
Justitia; sacra stat Respublica, statque profana.  
Quove nitent ambæ; constat pulcherimus ordo,  
Sanctaque Religio floret Rectoribus aucta  
Scilicet his, quos pro meritis ereximus ambæ.  
Quô, decrevisti dignos tanto Viro honores,  
Consilium planè probo: nil est æquius isto.  
Tu Soror! id qua perficiam ratione, doceto.  
Læta Themis caram sic deinde affata Sororem.  
Arx est, Vavelli dorsum quam sustinet: Aula  
Hic Regum quondam: juxta confurgit in altum,  
Magnificis opibus dives, sacroque paratu  
STANISLAI DIVI toto celeberrima Regno  
Exuvi-



Exuviis ædes, in qua stant ordine pulchro,  
 Illustres aræ, Regumque augusta sepulchra.  
 Juxta ædem, duplex turris se tollit in auras,  
 Utraque despectat campos, qua Vistula cursum  
 Dirigit, atque ipsis muris allabitur arcis.  
 Altera Campano, molis vastæ, cere superbit,  
 Quod dum prægrandi pulsatur verbere, circum  
 Horrificât latè mugitibûs aura cietur.  
 Altera sublimis, multoque superbior: astris,  
 Verticis aurati cristas immittere gestit,  
 Fulgentemque globum capitis, confundere stellis.  
 Emicat in sacra sedes Antistitis æde,  
 Quam torquatorum visenda sedilia Patrum  
 Antiquæ, doctæque manûs opus; undique cingunt.  
 Ad lævum latus, exurgit conclave verendum  
 Confessu Patrum; decorat quos aurea torques.  
 Conventus hic Præsul agit; suffragia Patres  
 Hic sua ferre solent, gravior cum causa requirit.  
 Hic, quos ipse probat Princeps, quos censet ob aureâ  
 Indolem, & eximicæ, dignos, probitatis honorem,  
 In sacri, jubet album adscribi rite Senatûs.  
 Hoc ego designari in cætu munia pulchra,  
 Per quæ, vir tantus sensim tollatur in altum.



Pontificale pedum donec gerat, atque tiaram:  
Hisque sacris signis inclareat amplius orbi.  
Unde suis meritis & præmia colligat Ipse,  
Et sacra fecundos referat Respublica fructus:  
Et nostrum digno nomen celebretur honore.

Quem cætum memoro, regit alto sanguine cætus  
Antistes: Princeps famâ super æthera notus: \*  
Hunc varicæ modò sollicitum Patriæque, gregisque  
Diseruciant curæ, suffragatoris egentem.  
I Soror: & quo præcellis candoris honore,  
Pollicitare Viro, quod percipit ipse levamen:  
Si JOSEPHI operâ non dedignabitur uti.  
At simul enarra, tibi perspectissima fata;  
Quæ capiti impendent Antistitis illius, & quæ  
Exercendæ ejus virtuti scena paretur:  
Adversusque vices funestæ sortis obarma.  
Ultra prolixo non te sermone morabor;  
Quid pro JOSEPHO, vel qua ratione loquaris.  
Ornamenta viri nôsti. Tua candida, simplex,  
Et sine fūco omni verax oratio; paucis  
Expromet speciemque viri, viroque colore  
Virtutes pinget. Princeps facilem dabit aurem,

Et

---

\* Celsissimus Dux Severiæ CAJETANUS, IGNATIUS SOLTYK.



Et credet, (Fidei quis enim fidem habere recuset?)

Illectusque viri meritis accerset in aulam.

Hæc Themis. Alma Fides iter, & mandata capefsit,  
Seque viâ rectâ confert in Principis aulam:  
Tempore, quo bello civili cuncta flagrabant:  
Schifmateque atroci prope tota Polonia fciffa;  
Ibat in exitium, jam jam ruitura; ruentem,  
Nî REX AUGUSTUS, ceu robustiffimus Atlas,  
Subjectis humeris, quaque virtute valebat,  
Fulffiffet miseram, inque gradu ftatuiffet amatam,  
Quo licuit, Patriam; non uno vulnere fefsam,

Fortè volutabat magnas fub pectore curas  
Conclavi clausus, ftrepituque remotus ab omni  
Tunc Princeps: Patriceque rices miferatus acerbis  
Lugebat, reputans fibi qui incubuere labores,  
Ex Patrice turbis, & follicitudine orilis:  
Triftiaque ex imo fuffpiria pectore ducens,  
In fua vota DEUM, DIVOS, DIVASque vocabat,  
Hasque gemens gravius fundebat ab ore querelas:  
Heu quibûs ærumnâs crucior, quibûs æftibûs uror!  
Inde Senatoris munus, Paftoris at inde:  
Promptum utrumque olim, nunc intolerabile pene;  
Exercent miferum, diriffque afultibûs urgent:



O! mihi si qua virum felix fors offerat aureum,  
Qui magno ingenio valeat, qui polleat unâ  
Acri judicio, qui mentis acumine promptus:  
Consiliisque celer, promptus linguaque, manuque;  
Mî tot in angustis, quibûs urgeor undique rebus;  
Auxilio præsens adfit, certumque levamen  
Usque laboranti, & vasta sub mole gementi  
Adferat, atque oneris partem Detorqueat in se!

Talia dum versat Princeps: conclave repente  
Intremuit, totumque effulgit luce corusca.  
Adstitit alma Fides oculos dejecta modestos,  
Atque salutato sic cæpit Principe fari:

Quam coram spectas adstantem maxime Princeps:  
Sum sincera Fides, & nescia fallere virtus:  
Justitiæ germana soror, fidissima custos  
Promissi: fuci, fraudis, falsique, dolique  
Expers. His monstris me non inimicior ullus.  
Pro pietate tua, Themidis qua jura tueris,  
Me tibi subsidio jussit Soror alma venire.

Qualem mente virum pinxisti maxime Princeps:  
Si cupis; auxilio venturum nuntio. Gestat  
Is Vir OLETHOVII nequaquam ignobile nomen:  
Isque simul pulchro JOSEPHI nomine gaudet.

Multa



Multa viro in Superos pietas: communis in omnes  
Non simulatus amor, vacuusque cupidine lucri,  
Ingenii ad cunctas artes innata facultas;  
Judicii robur, rata perspicientia veri:  
Copia doctrinae minimè tot dotibus impar,  
Et disciplinis probitas par, parque modestia,  
Et placidi mores; qui demulcere vel hostem:  
Conciliare feros, cunctos sibi jungere possint.  
Iustitiae studium; rectusque in publica sensus.  
Haud fuco, decus ipse suis virtutibus addit:  
Haudque supercilio pondus tot dotibus affert.  
Candidus Ille, Tuique instar sincerus, apertus,  
Fallere qui nullum velit Ipse; nec ullus at Ipsum,  
Quantumcunque dolis valeat, deludere possit:  
Qualem nempe tuum munus, quo fungeris, optat.  
Quem commendo, viri, rudis hæc illius imago est:  
Ipse magis graphica tibi semet imagine pinget;  
Re, factisque suis, & dexteritate secunda:  
Ille nec æquabit modo spes, ingentia vincet  
Vota tua, ostendetque Fidem non vana locutam.

Cætera, magnum operæ pretium quanquam afferet usus,  
Et studium, quem laudo viri, magnumque levamen,  
Solamenque Tibi, Te Te tamen optime Princeps;  
Numi-



Numinis æterno quis ab ordine solvere possit?  
Dicam, (namque Fidem verum celare nefas est:  
Fas durare virum contra infortunia dira)  
O! Princeps alia ex aliis in fata vocaris!  
Ostendent siquidem Superi tantum Tibi; qualem  
Sortiri possent, tua cuncta negotia cursum,  
Adjutore viro, quem commendavimus usque.  
Sed citò dirumpet filum fera Parca secundum.  
Sic visum Superis. Rebus non fracta secundis;  
Adversis tua tentanda est adamantina virtus.  
Dura tuæ nimium probitati scena paratur.  
Patria cara Tibi plures relinquenda per annos,  
Grexque relinquendus, longinquas exul in oras  
Ibis, at hic nondum finis, non meta malorum:  
Ærumnæ multæ, longa infortunia restant.  
Is, qui Te à teneris tanto dignatur amore:  
Per longos statuit DEUS exercere labores.  
At ne cede gravi, longo ne cede dolori.  
Si gravis est, brevis est: levis est, si longior æquo.  
Ferre vices varias, hominum est fors: fortiter autem  
Ferre, viri magni decus est, & maxima virtus.  
Ergo age magnanimi vim pectoris, objice duris,  
Corque, animumque tuum virtute adamantina obarma,

Et



Et quæcunque DEO de TE decernere visum;  
Ultro, alacrisque, volensque, lubensque amplectere sancta  
Consilia, & nutus ejus. Ne quæso coactum  
Restantemque trahant, ducant sed sponte sequentem;  
Quo te cunque ferent. Certè immortalia ducent  
Ad decora, æternæque ad præmia summa salutis.

Interea donec tempestas ingruat atrox,  
Quem commendo, voca virum, & his, quibus artibus Ipse,  
Omnibus excellis; tinge, imbue, finge: sequetur  
Artifices ductus facilis, nutusque Magistri,  
Inque tui miros finget se muneris usus.  
Ipsi ita formato linguas abiturus ovile.  
Cui, virtute gravem mage, quam vergentibus annis  
Omnibus ornatum FRANCISCUM dotibus adde:  
Qui Pataræ proprius, Tibi Suffraganeus audit  
Antistes \* (quondam Hic JOSEPHO munus & Ipse  
Pontificale suum, tanta quod laude tot annos  
Exercet; tradet, fessus gravioribus annis)  
Hic Vir, hic est, ab Avis amplum qui nomen adeptus,  
Amplius ipse suis meritis, majusque paravit.  
Illustri domui decus immortale relinuens.  
Nota loquor. Nôsti natas ad maxima dotes  
Munia;

---

\* Illustrissimus Reverendissimus D. FRANCISCUS POTKANSKI.



Munia; cum splendore, Magistratusque gerendos.  
Ille nec unâ operâ tales, tantasque probavit.  
Recte facta Viri vel me reticente loquuntur  
Hæc monumenta, quibus bona pars in principe templo  
Ipsius auspiciis, sumptuque decora coruscat.

Hicce viris geminis munus Pastoris, onusque,  
Te quod in his turbis injusto pondere vexat,  
Divide: servabunt saluum, incolumemque fuismet  
Consiliis, studiisque gregem communiter ambo.  
Sartas, & tectas præstabunt res tibi cunctas.  
Quin etiam postquam belli defecerit æstus;  
Attollent sublime caput, Rectoribus istis,  
Resque, pecusque tuum, lætumque rigeat ovile,  
Ipseque in adversis, quibus afflictabere, rebus,  
Tali ex successu, quodam complebere gaudio.  
Aut saltem capies hinc non mediocre levamen.  
Cætera, magnum animum, similemque Heroibus, opto:  
Dent Superi o Princeps Tibi! & adsint dura ferenti.

Hæc effata Fides, scitari multa volentem  
Principem, & ardentem cognoscere plenius omnia;  
Deserit, ac tenues sese subducit in auras.

At Princeps gaudens lætô, sed mæstus acerbô  
Nuntiô: humi positus genibus mox Numen adorat;

Hæc-



*Hæcquæ suo lachrymans fundit de pectore vota:*

*MAGNÆ DEUS! rebus, qui me cumulando secundis*  
*Immeritum famulum, tam suaviter usque beâsti:*

*Immensumque tuum mihi testificatus amorem es:*

*Æquum est, ut patiendo meum tibi testis & ipse:*

*Usque Tui est suspectus amor; quoad igne probetur*

*Adversæ fortis: flamma hac se comprobat ille.*

*In quæcunque jubes ire infortunia, pergam!*

*Exilium longum, cumque hoc incommodu mille:*

*Jacturam famæ, diuturni tædia morbi;*

*Et quæcunque Tibi de me decernere visum;*

*Apponam lucro: patiar, Tu suffice vires!*

*O DEUS! o Bonitas! DEUS o meus! o meus ignis!*

*Tu mihi, Tu cælum, Tu lumen, & una voluptas:*

*Tu mihi vita, salus: Tu vitæ summa beatæ:*

*Tu mihi (complexar verbo) DEUS; omnia es unus!*

*Salvâ animâ, nihil est, miserum quod reddere possit:*

*Hæc pereunte, quid est; quo quis queat esse beatus?*

*Dum Tibi ego placeam, dumque obsequar: alea jacta est,*

*Stat, duras utcunque vices, stat volvere casus.*

*Hæc prece confirmato animo, mærore levato,*

*Continuo Princeps, quem commendaverat ante*

*Alma Fides cum laude virum, propriam accit in aulam.*

Ingeniumque viri tentat, pertentat & artes.  
Ardua proponit solvenda problemata: cæcis  
Pleraque mandat contorta negotia nodis.  
Atque vel ingenium lassare valentia solers,  
Oedipe acute tuum, JOSEPHO ænigmata narrat.

Herculeis nodis minimè conterritus; acri  
Ingenio vir, consilioque celerimus; omnes  
Principis applausu, nodos mira arte retexit:  
Proposita appositè solvit problemata: scitè  
Dissipat obscuras cujusque ænigmatis umbras.  
Ac ubi vix præ lætitia foret alter apud se,  
Se circumspiceret, se miraretur, amaret;  
Ille, velut plausu nil dignum, & laude patrasset;  
Lætitia minimè gestit, sibi non canit intus:  
Non se se jactat, non ambitiosius effert,  
Quin dum pro meritis Dux illum laudibus ornat,  
Nonnihil ingenio suffunditur imò rubore.

His CÆSARUS Princeps illectus, in Album  
Rite Sacerdotum majorum scribit, & almi,  
Quo Vavellus orat, partem jubet esse Senatûs  
JOSEPHUM nostrum, fulgenteque torque coronat.  
Nec legisse virum fuerat satis; Ipse fuimet  
Muneris, atque oneris partem committit, ut isthac

Laxa-



Laxaret ratione, Viri virtutibus amplum,  
Quem fummis posset meritis decurrere campum.  
Nec vero sua spes illum concepta fefellit.  
Nam velut Eois, ubi se sol tollit ab undis.  
Continuo partem fundit jubar aureum in omnem,  
Restituitque suum rebus decus, atque colorem:  
Sic ubi, privatæ ex vitæ, caput extulit umbris;  
Virtuti solidæ, JOSEPH, Sapiencia juncta,  
Luminis effudit radios, lucemque coruscantem:  
Et decus, & speciem sacris dedit atque vigorem,  
Quâ latè Craci se se Provincia fundit.  
Viderat hæc lætus Princeps, gaudensque virum se  
Muneribus legisse parem majoribus; intus  
Hæc apud ipse animum tacitusque, palamque profatur:  
Macte Vir ingenio tali, virtuteque macte,  
Talem Te, tantumque mihi paulo ante canebat  
Alma Fides: rates certissima nuntia veri.  
Tu mihi, tu posthac Pharoni quod fuit olim;  
Ille vetus JOSEPH: Tu nomine, reque futurus:  
Implebis pulchrè mensuram nominis almi.  
Tu domui præeris, caulam curabis & aulam.  
Pabula tu nostris gregibus, Pastoribus idem  
Jura dabis, nostrumque reges, quo claudimur, orbem.

*Talia Pontificis pertentant gaudia pectus.*

*Triftior interea species, dum nocte quiescit,  
Principis objicitur menti. Sibi cernere visus  
Unquibus hamatis aquilam, rostroque minacem;  
Quæ Gentiliticæ volucris sacra signa tenenti;  
Ex improvifo rapuit, celerique volatu  
Subduxit se cum fpoliis Aquilonis in oras.  
Infolita fomni turbatus imagine Præful.  
Erigilat, vifumque fuo cum corde revolvit:  
Quid notet, expendit: nec conjectura fefellit  
Principis ingenium folers; portendere difcit  
Exilium, quod fanda Fides prædixerat ante.  
Ut tamen exquirat, quæ flet fententia menti  
JOSEPHI: vocat hunc: ipfi fua vifa renarrat.  
Terruit in fomnis (inquit) me triftis imago.  
Vifa meam Gentilitiam, peregrina volucris  
Inrafiffe aquilam; mitramque, pedumque tenentem:  
Unquibus & roftro rapuiffe infignia facra, ac  
Verfus Hyperboreum revolâffe celerrima cælum.  
Quid fibi vifum iftud velit, obfcure innuit ante  
Alma Fides: at tu, quæfo, mihi planius edic.  
Quippe, evolvendi, mira arte ænigmata præftas.  
Ah Princeps! me fatorum ne coge (reponit*

JOSE.



JOSEPHUS mœrens) ludum enarrare tuorum!  
Hæc, si vel nostræ, fas avertisse, fuisset,  
Impensa vitæ; jam pridem averfa fuissent.  
Ast aliter visum Superis! dulcissime Princeps:  
Ibis Hyperboreas (dolor, ah dolor ora revincit)  
Longinquas exul: procul abduceris in oras!  
Huc civilis, aget tempestas te fera, belli.  
Ne desponde animum tamen o fortissime Princeps:  
Pulchrius adversis virtus excocta refulget;  
Quàm niteat rebus quantumlibet aucta secundis.  
Fortunam æquâsti virtutibus usque secundam,  
Quin superâsti, & in hac magnum te jure probâsti.  
Restat in adversa, majorem te canat orbis.

CÆTANUS ad hæc altè suspirat, & inquit:  
Quandoquidem certum est, nos hæc in fata vocari.  
Indyete consilio Vir tu, & meus alter Achates;  
FRANCISCUS Pataræ Antistes, communiter ambo,  
Vos mihi dilectum magis ipso lumine vitæ,  
Custodite gregem sanctè, ferrateque saluum.  
Cætera, meque, gregemque & vos commendo potenti  
Numinis auxilio: fortem vobis meliorem  
A Superis: mihi, vestri animum similem opto. Valet.  
Horridus interea, civilia pectora, belli

Incen-

Incendit flammis, in mutua funera, Mavors.  
Corripiunt cives data non his usibus arma:  
Inque fuce Patricæ discordes viscera vertunt.  
Frustra AUGUSTE doles, ad pacem adducere frustra  
Corda studes, rabido belli inflammata furore.  
Quos semel accendit Mars ignes, nonnisi multis  
Cædibus extinguere poterunt, multoque cruore.  
Funestantur agri civili sanguine passim.  
Præful Hyperboreas agitur procul exul in oras.  
Omnia ferali nutant concussa tumultu.  
In turbis incerta fides, Regique, Deoque  
Fluctuat in multis: (hæc sunt contagia quippe  
Propria civilis belli) communibus ergo  
Curis & studiis, id agunt, unumque laborant  
Antistes Pataræ, solers vir & acer JOSEPH.  
Ut populum ferrent in Religione, fideque  
AUGUSTI Regis; belli dum desinat æstus.  
Huc sua cumprimis studia acria vertit uterque:  
Ne qua nefanda lues Sacra Religionis aritæ  
Polluat (ut fieri solet in caligine belli)  
Ne qua gregem in turbis afflet contagio morum:  
Neu pereant animæ, pereunt dum corpora cæde.  
Turbatum populum, & studia in contraria scissum

Numi-



*Numinis ad cultum, atque ad Religionis amorem,  
Regis ad obsequium; stimulis non mollibus urgent.  
Placandis Superis, pietatis idonea vulgo  
Officia injungunt; indicunt sacra, precesque.  
Exemplo, verboque docent exposcere pacem.*

*Audiit è caelo tandem pia vota, precesque  
Omnipotens DEUS, & cladem miseratus acerbam;  
Finibus exegit fera praelia. Regis honori  
Submittunt aliquando odium implacabile cives,  
Longum obluctantes, ponuntque ferocia corda.  
Curru inrecta suo, pax Regna Polonia revisit.  
Exul Hyperboreis revocatur Praeful ab oris.*

*Hic vero enituit Regis clementia mira,  
Qua reduces cives suum ad obsequiumque, fidemque  
Accepit; Patricæ Tutorque, Paterque benignus.  
Illam ego vix ausim rudiori attingere Musa.  
Namque opus eloquio Tullî, qui tollere dignè  
REX AUGUSTE tuam valeat clementiam in hostes.  
Julius ut cedat tibi STANISLAE necesse est.  
Hostibus ille suis magna pietate remisit  
Supplicium, extorres Patricæ tellure recepit.  
Pectore tu recipis placatus, & immemor omnis  
Offensæ: amplecti majore videris amore,*

*Quam*

Quam qui constantes in amore, fideque steterê,  
Proque tuæ pugnabant Majestatis honore.  
Horum aliis amplos Regni concedis honores:  
Invisens quosdam hospitio dignaris amico.  
Scilicet hoc solidæ decus est virtutis, honosque:  
Dulcius ut sapiant illi benefacta locata  
Hostibus; hisque, vicem qui non testantur amoris:  
Imo suis noxis pœnam meruere, probrumque.

Læta bonis pacis, Clemente Polonia læta  
REGÈ, statum veterem, formamque resumere cœpit.  
Tanta Polonorum cumularit gaudia cœlum.  
Noxarum, & pœnæ pia condonatio toto  
Orbe indicta: sub hoc tempus vulgatur in oris  
Nostris: nempe anni redeunt solennia sacri,  
Millia vicanos, quot non venêre per annos,  
Et quinos: celebrem Craci glomerantur in urbem.  
Undique plebs infert se se, repletque plateas,  
Culparumque ardet sacra per mysteria sordes  
Eluere, ac pro pace DEO persolvere grates,  
Et longam Regno, Regique, sibi que salutem  
Supplicibus votis à Numine poscere. Cuncta  
Templa calent precibus: resonant concentibus, hymnis.  
Alternis vicibus suggesta, & pulpita, ubique

Sacra



Sacra sonant, populumque piis hortatibus urgent.  
 Pabula doctrinæ Christi præbentur adultis,  
 Formanturque rudimentis ætate minores,  
 Iudiciisque sacris exponunt crimina cuncti,  
 Lustratus populus divina pascitur esca.  
 Mortales; sexûs, ætatis, & ordinis omnis;  
 Ordinibus longis celeberrima templa revifunt.  
 Concurfant, fibique occurfant sacra agmina paffim.  
 Certare inter fe pietatis honore videres.  
 Confertis venit agminibus miferabile vulgus,  
 Præfidium quærens, paupertatique levamen:  
 Veftribus, hofpitiis, potuque, ciboque fovetur,  
 Et ftipe non parca, larga à pietate levatur.  
 Undique divini cultus pulcherrimus ordo  
 Emicat, & folidæ pietatis imago refulget.  
 Ordinis Auctores, moderatoresque, ducesque;  
 JOSEPHUS cum FRANCISCO par nobile Fratrum.  
 Ille, pii cultus qua fint ratione gerenda  
 Munera, præfcribit: clero, populoque dat aptas,  
 Quas pietas, quas ipfa daret prudentia leges.  
 Ille Sacerdotum difponit rite labores.  
 Illic probat, atque operis dux ipfemet impiger, amplum  
 Aggreditur meffis campum; conferta perungit

D

Chri-

Chrismate sacrato populorum millia: longo  
Fessa labore manus, non attamen impigra cessat.

Addit se comitem, virtutibus inclytus, Heros  
CHRISTOPHORUS Præsul: \* nostris regionibus in-  
Nomen promeritis, & aritæ sanguine stirpis. (gens  
Vinxit Apollo Virum lauris, & Roma tiara  
Plocensi nuper cinxit: Rex noster honores,  
Et merita Herois; geminis insignibus auxit:  
Queis geminus nostro in Regno nitet ordo virorum.  
Strenuus ergo vir hic, FRANCISCO mæsis opimæ  
Undique vallato maturis frugibus; addit  
Se focium, vastumque simul metit æmulus agrum:  
Millia & ipse oleo sancto bene multa perungit:  
Interiora animos hominum ad certamina firmans:  
Lux nobis, ineunda feris sunt cum hostibus orci.

Tantos progressus, PRINCEPS, in munere spectans  
Numinis æterni; quibus amplificare studebat  
Cultum JOSEPHUS: spectans studium insuper acre  
Ad majora viri molimina, factaque promptum:  
Ac secum reputans fractas in corpore vires;  
In JOSEPHI humeros, prudens, onus omne refundit;  
Ægra valetudo quod eum vix ferre sinebat.

Tum

---

\* Cellissimus Princeps CHRISTOPHORUS. SZEMBEK Plocensis Antistes.



Tum veluti Phœbus, medium cum trajicit orbem  
Cælorum, toto fundit se lumine terris;  
Cura Diœcesis IOSEPHO sic ubi tota  
Commendata fuit; patuit prudentia tantæ  
Pars præfecturæ, quin nec majoribus impar.  
Agnoscent talem clerus, populusque, probantque;  
Atque sibi gaudent, illi gratantur honorem.  
Ipse Diœcesim sapientibus instruit omnem  
Legibus, & clerum monitis præsentibus armat.  
Sicubi forte fuit pia disciplina per arma,  
Perque vices tempestatis collapsa; reducit,  
Idque agit; ut priscum mores revocentur in aurum.  
Denique commissum latæ regionis ovile,  
Dexteritate regit mira, eventumque secundo;  
Omnem, ut in officio hoc, ætatem egisse putares.  
Dum tamen hæc curat, sese non deferit unâ.

Sæpe viros rapiunt ita splendida munia totos;  
In Superos, exercendæ pietatis, ut omnem  
Pene facultatem, tempusque, locumque querantur  
Ereptum penitus; tantoque hæc parcius implent;  
Quæ propriæ mentis culturam munia spectant:  
Quo magis effundunt totos ad publica sese.  
Non secus, atque animus minime par esset utrisque,  
D2 Idque

Idque ipsi accideret, quod diviso accidit, alvéos  
In geminos fluvio: quorum quantum alter abundat,  
Atque redundat aquis; tantundem deficit alter.  
Nolo virum, gravibus qui quantumcunque negotiis,  
Sic sese immergit; mergatur ut omnis ab iisdem.  
Hunc laudare velim, quisquis supereminet undis  
Quamlibet immensis curarum muneris alti:  
Ipsumque, sui que potens, atque arbiter extat:  
Resque sibi, non se rebus submittere novit.  
Atque hoc IOSEPHUS est decus indelebile: laudum  
Ipsius hoc caput est: hæc commendatio summa.  
Quod curas inter tot, totque negotia; saluum,  
Incolumemque suæ ferret pietatis honorem.  
Dumque aliis prodesse omni ratione laborat;  
Virtutis, damnum ipse, suæ non accipit ullum.  
Sed veluti totum, cum sol illuminat orbem,  
Luminis ipse sui jacturam non facit ullam.

Sic dum IOSEPHUS summa integritate gubernat,  
Laudeque, commissos ægro pro Principe fines:  
Totusque incumbit: partem se vertit in omnem:  
Ne qua forte sibi deficit ratione, gregique:  
Datque operam morum ne disciplina remittat;  
Neu pietas, neu Religio ferat incluta damnum;

Dum



Dum clerus, populusque orat, acclamatque regenti:  
Et se felicem tali Rectore susurrat:  
Jamque ipsi plerique pedum, mitramque caneant.  
Isque ita Pontificis numeros impleverat omnes;  
Sacra characteris nota Pontificalis ut una  
Defuerit, dignusque gradu sit creditus isthoc:  
Cum subito latis successibus invidus orcus  
Concitat ingentes turbas, infertque tumultum.

Unam Rex Erebi dirarum e forte sororum  
Advocat ad sese, promptam furialibus ausis:  
Ira, odiumque, dolusque, & dira calumnia cordi  
Sunt monstro huic: artes in promptu mille nocendi,  
Dissidii imprimis spargendi semina; mira  
Calliditas, pacis turbandæ industria mira.  
Trux facies juricæ: pro crinibus, anguibus horret  
Cæsaries: manus una facem, tenet altera virus.  
Inficit hoc linguas hominum, face corda perurit.  
Ne tamen horribilis percellat imagine larvæ  
Mortales, novit centum simulare figuras,  
Sexcentisque modis celare facem, atque venenum:  
Pronius incautis quo toxica nempe propinet.

Hanc ubi coram alacrem, promptamque ad jussa sequen-  
Conspexit Pluton; incendere talibus orsus:

Jam

Jam fatis exitii, stragis fatis atque ruinae  
Nomen OLETHOVSIUM, quo non infestius ullum,  
Attulit usque Erebo: nec adhuc mala cudere cessat:  
Et perget porro, si non obstitimus ultra.  
Stat stragem ulcisci, clademque rependere clade.  
Tu soror, una magis reliquis, mihi idonea visa es,  
Ad perpetrandum facinus, quod mente peregi.  
Vade instructa tuis, quibus es doctissima, technis;  
Vipereos inspira animos in viscera plebis,  
Atque ab OLETHOVSO mentes averte fideles.  
Carpe viri nomen: maledictis obrue famam,  
Et probris onera, confictaque crimina jacta.  
Hoc postquam vulgo virus afflâris, eodem  
Continuo vulgi similem omnem, falle veneno.  
Denique permisce, confundeque cuncta tumultu.  
Sic ubi turbaris, plebique afflaveris iras,  
Multorumque animos à nostro averteris hoste;  
Protinus ipse adero, delecto milite septus,  
Aggrediarque virum vindex non segnis, & ultor.  
Dejiciamque gradu, nudabo potentibus armis,  
Tot quibus eripuit spolia & cladem intulit orco.  
Hæc ubi dicta dedit Pluton: cita paret Erynnis,  
Ardentemque facem jactans, festinat in urbem

Craci:



Craci: serpentes humeris jactantur utrisque:  
Mox falsis furibunda domos rumoribus implet:  
Dira in JOSEPHUM passim convicia fundit,  
Confictisque movet probris odia aspera plebis.  
Objicit ingrati sceleratum pectoris ausum,  
In Majestatem venerandam Principis, inque  
Subjectum populum sibi: tanquam commoda JOSEPH  
Invidus avertat, fraudet miserabile vulgus;  
Munificam in plebem dextram male Principis arctans.  
Gliscit rumor atrox, ea fama vagatur in urbe.  
Plebs accensa fremit, quæ non ratione, sed uno  
Pene furore regi, recors consuevit amatque.  
Quid vero JOSEPH tot morsus inter & ictus?  
Tela venenatæ lingue corde excipit? imo  
Excutit. Haud mea sunt, inquit: non tangimur euge!  
Non nos; verum homines sceleratos hæc probra lædunt.  
Sic ait, & stolidæ temnit convicia lingue.  
Esse studet justus, si non habeatur: iniquos  
Fert æquo sensus animo, linguasque malignas.  
At Sanctæ Fidei fama ut pervenit in aures;  
Famam JOSEPHI maculis, probrisque notari.  
Ingemuit, Themidisque sacre properavit ad ædes:  
Atque dolens comitem verbis compellat amicis:

Ergo

Ergo tuo non succuris foror alma clienti?  
En impune viri nomen laceratur amaris  
Morsibus: intentant infanti crimina falsa.  
Tartareis emissa foror de sedibus una,  
Urbem concursans, furialibus ignibus urit  
Pectora proclivis furiosos plebis ad ausus:  
Imbuit & faciles in foeda opprobria linguas.  
Incensum ardescit vulgus: furor, iraque vanas  
Præcipitat mentes, linguasque in probra resolvit:  
Infantem JOSEPHUM infanda calumnia vexat.  
Te tamen hæc atrox nequaquam injuria tangit.  
Urit me sed enim, & tantum non enecat ægram.  
Quin hoc pro studio, justis quo præmia donas,  
Atque injustitias arces ab amantibus, æquum;  
Infanda à nostro JOSEPHO probra propulsa?  
Huic tamen, ut memini, Te Pontificale daturam  
Pollicitata pedum es: meque hæc promissa referre  
Jussisti, dum mittebas in Principis aulam.  
Sic stas promissis? quæ te sententia vertit?  
Ferret opem CAJETANUS, sed vis mala morbi,  
Quo conflictatur, succurrere non finit ægram.  
Tu proin cara foror; succurre indigna ferenti.  
Illi Sancta Themis subridens talia reddit:



*Ne te sollicitam, vanus male torqueat angor.  
Nil ope nostra; opus est; soror o suavissima, surget  
Amplior hinc surget IOSEPHO gloria, lausque;  
Omnibus ex illis, quam surgat honoribus, ambæ  
Communi studio, quos procuravimus usque.  
Est PRINCEPS MICHAEL; celeberrimus omnibus unus  
Dotibus, humane quæ sunt fastigia fortis.  
AUGUSTI. REGIS Germanus, & Ipse Sacrorum  
REX; latè Regnum quæ panditur omne Polonum.  
Iustitiæ columen, spirans probitatis imago:  
Rex quoque Musarum, nostrum quem suspicit ærum;  
Et ventura canent, cecinissent sæcula prisca.  
Is pro iustitiæ summo quo flagrat amore:  
Proque Viri meritis, cujus decora æstimat alta;  
Comprimet infanos motus, linguasque protervas,  
Præcipitemque dabit furiam in Plutonia regna;  
Quæ tantas turbas exciverat, atque tumultus:  
Restituetque decus IOSEPH virtutibus æquum,  
Præfulis imo novis augebit honoribus olim:  
Id, quod ego statui, tu promississe renarras.*

*Principis, hæc inter, MICHAELIS rumor in aures  
Advolat: infestis agitari motibus urbem  
Craci: IOSEPHUM pacem, rectumque tuentem;*

Per linguas traduci hominum, probrisque laceſſi.  
Ergo laboranti Vir ſervantiſſimus æqui,  
JOSEPHO MICHAEL properat ſuccurrere Princeps:  
Infantis famam defendit, & acta tuetur.  
Judicio probat excelſo, quin laudibus ornat.  
Improbat infulſos motus vulgi, atque furores,  
Omnia miſcentem furiam deturbat in orcum.  
Nec laudâſſe ſat eſt; in cura firmat ovilis.  
Perge, inquit, JOSEPHÆ: tuo perſungere ritu,  
Munere; quod CAËTANUS Tibi credidit olim:  
Credidit, & tempus laudavit in omne, probavit.  
Nunc quoque ſi ſalvus foret; allaudaret, amaret.  
Ilicet extinctus plebis furor omnis, & alta  
Amplius offuſſit pulſa caligine virtus.

Interea Pataræ Antiſtes, gravioribus annis  
Feſſus: Pontificis relevari pondere poſcit;  
Quod plus tricenot, geſſit cum laude, per annos,  
Et ſibi, JOSEPHUS Succellor detur ut, orat.  
Vota probat MICHAEL Princeps, & vota ſecundat  
Roma, Caput Mundi: Summus REX Ipſe Sacrorum  
Princeps Pontificum, PIUS, iſthoc nomine, Sextus,  
JOSEPHUM, gaudens Antiſtitis ornat honore.

Læta impertito, quod deſignavit ab æro

Munere



Munere Pontificis, caro Themis alma Clienti  
Ob decora alta Viri: gaudens cælumque, solumque  
Communes vocat in plausus, & gaudia secum:  
Nympharum, Dryadumque choros, ut rite fecundent  
Gaudia cum plausu: Virtutum convocat omne  
Agmen: & imprimis Chloris, quæ præsidet hortis,  
Lætitiæ venit in partem, frontem explicat, atque  
Quidquid honoris habet, quidquid rer afflat odoris,  
Quidquid habet decoris, grati quidcunque coloris,  
Huc largis manibus confert: effundit amœnas  
Veris opes: proni Zephyri conatibus afflant:  
Purpureos, & candidulos, & versicolores,  
Auratosque sinus properant evolvere florum,  
Et blandis latè perfundere odoribus auram.  
Adjunt & Dryades Floræ, sua dona paranti.  
Puniceas fert illa rosas, fert altera canas,  
Hæc suaves violas, candentia congerit isthæc  
Lilia: narcisos cyanosque ast altera portat.  
Accumulantur opes, oculorum gaudia, plenis  
Corbibus, & calathis: anemone, amarantus, amellus  
Funditur; & fluitant: hyacinthus, bellis, & iris,  
Caltha, crocusque rubens, & pœonia impluit aris,  
Muneribus Floræ decorata altaria fragrant

Pontificique novo, facturo sacra, parantur.  
Contextæ mira, variis è floribus, arte  
Pyramides surgunt; arcusque, trophæaque surgunt:  
JOSEPHI totidem virtutum insignia pulchra:  
Et jucunda, quibus mulcet Topiaria, sensus:  
Artifici, constructa manu, spectacula surgunt.

Thurea dona itidem plenis cumulantur acerris.  
Uruntur detracti Arabum de cortice succi;  
Pastilli, nardus, costusque, thymumque cremantur:  
Idæusque styrax, & olentis germen amomi:  
Quæque Palæstinis exsudent balsama ramis,  
Et grati Lybicus quod agris exspirat odoris:  
Quidquid odorarum lacrymarum effunditur usquam.  
Arcæ thure calent, blandisque vaporibus halant.  
Interea incensis adstans altaribus agnen  
Virtutum; ex quarum præscripto, legeque vitam  
Antistes novus egit adhuc, ac ducere pergit;  
Ippsius ingeminat divino carmine laudes,  
Pulchraque facta canit, quibus hoc JOSEPHUS adeptus  
Munus; & æternum mansurum nomen in ævum.  
Pontifici Themis ipsa novo fert dona: tiaram &  
Pontificale pedum, gemmis auroque coruscum.  
Sancta Fides; ostro perfusam, auroque rigentem

Dat



*Dat sacram vestem, mos est vocitare planetam.*

*Hoc Themis alma suum dignatur honore clientem.*

*At clerus, populusque sacra confertus in æde;*

*Vota facit, funditque preces, pro Præfule tanto:*

*Immenfas pergit Superis persolvere grates:*

*Uno animo gaudens, plaudens uno occinit ore:*

*MAGNE DEUS! novus ecce tuas Antistes ad aras,*

*Virtutum decore, atque tuo stat numine plenus:*

*Stat facer, addictusque tuo stat totus honori!*

*Hunc nobis, saluum, incolumem digneris in annos*

*Longævos servare, pia te voce precamur.*

*Illum oculis, caros quibus aspicias, aspice ab alto;*

*Ornatumque altis virtutibus, amplius orna:*

*Et cumula meritis; donis cœlestibus auge.*

*Auctibus immensis, maturum, donec in arcem*


*Sideream accipias vitæ Dator, atque reponas*

*Cœlestes inter Procures, superumque Senatum!*

M E N D A      C O R R I G E

Pagina 7. v. 8. Horrificit.  
10 v. 17. His monstis  
13. v. 10. facilis  
17. v. 18. Pharonis  
27. v. 15. juræ

Horrificis.  
His monstis  
facilis  
Pharaonis  
Furiæ



## JUDICIUM CENSORIS

**C**armen Epicum de laudibus Illustrissimi ac Reverendissimi Domini. JOSEPHI OLECHOWSKI, recens consecrati Episcopi Uranopolitani, Suffraganei, Archidiaconi Cathedralis, Curiae Suae Celsitudinis Episcopalis Cracoviensis, Auditoris & Judicis Generalis, ab Illus: & A. R. Dno Ignatio Wilczek nuper Societatis Jesu Sacerdote, & Sae Theologiae Professore, Viro tam severioribus, quam humanioribus literis excultissimo, & pluribus opusculis Poeticis in lucem editis conspicuo: tersa & nitida latinitate conscriptum; & ad omnes Poeticae artis regulas exactum; legi diligenter: & dignum omnino censeo, quod typis excudi possit. Cracoviae 2. Julii 1786.


*Adalbertus Domaszewski S.T.D.  
Conc: Cath: Crac: Librorum Censor  
m.pp.*

---

## I M P R I M A T U R.

**C**AROLUS LOCHMAN J.U.D. Canonicus Coadjutor Cathedralis & Archipresbyter Cracoviensis; Curiae Episcopalis Judex Surrogatus  
m.pp.







# THE LIFE OF CRANFORD

CRANFORD, A TOWN IN THE COUNTY OF WILTSHIRE, IN THE PARISH OF ST. MARTIN, AND IN THE HUNDRED OF CRANFORD.

By J. CRANFORD, Esq. of the County of Wiltshire.

London: Printed by J. CRANFORD, at the Sign of the Crown, in St. Martin's Lane, 1784.

Price 1s. 6d. per Copy.

For the Right of the Copy, See the Preface.

By J. CRANFORD, Esq. of the County of Wiltshire.

London: Printed by J. CRANFORD, at the Sign of the Crown, in St. Martin's Lane, 1784.

Price 1s. 6d. per Copy.

For the Right of the Copy, See the Preface.

By J. CRANFORD, Esq. of the County of Wiltshire.

London: Printed by J. CRANFORD, at the Sign of the Crown, in St. Martin's Lane, 1784.

Price 1s. 6d. per Copy.

For the Right of the Copy, See the Preface.

By J. CRANFORD, Esq. of the County of Wiltshire.

London: Printed by J. CRANFORD, at the Sign of the Crown, in St. Martin's Lane, 1784.

Price 1s. 6d. per Copy.

For the Right of the Copy, See the Preface.

By J. CRANFORD, Esq. of the County of Wiltshire.

London: Printed by J. CRANFORD, at the Sign of the Crown, in St. Martin's Lane, 1784.

Price 1s. 6d. per Copy.

For the Right of the Copy, See the Preface.

By J. CRANFORD, Esq. of the County of Wiltshire.

London: Printed by J. CRANFORD, at the Sign of the Crown, in St. Martin's Lane, 1784.

Price 1s. 6d. per Copy.

For the Right of the Copy, See the Preface.

By J. CRANFORD, Esq. of the County of Wiltshire.

London: Printed by J. CRANFORD, at the Sign of the Crown, in St. Martin's Lane, 1784.

Price 1s. 6d. per Copy.

For the Right of the Copy, See the Preface.



